

FILLING THE EU-SÁPMI KNOWLEDGE GAPS

ODASREIVE 6 – SKÁBMAMÁNNU 2021 – DAVVISÁMEGILLII



Dán čavčča leat leamaš ollu gelddolaš doaimmat proševttas. Mii leat viimmat beassan doallat fysalaš čoačkimiid ja mátkkošit. Earet eará leat EU-Sápmi jurddabeasi áššedovdit ja oahpahallit beassan deaivvadit vuosttaš gearde.

EU-Sápmi Jurddabeasi 8. ja 9. čoačkimat

Čakčamánu deaivvadii EU-ossodat Romssas go maddái lágiduvvui gávccát EU-Sápmi Jurddabeassi čoačkin hybrid hámis. Golgotmánus besse bout áššedovdit viimmát deaivvadit fysalaččat go ovccát čoačkin lágiduvvui Roavenjárggas Suoma bealde. Jurddabeasi boadus, EU-Sápmi strategiija, lea barggu vuolde ja ovdanbuktojuvo Sámiráđi čoačkimis guovvamánus gos miellahttoorganisašuvnnat sáhttet kommenteret ja dohkkehit dan. Maŋjeleabbos áššedovdit ovdanbuktet strategiija Váhčiris 22. Sámiid konferánsas.



Govas leat áššedovdit Eva Josefsen, Susanna Israelsson, Liisa Holmberg, Jerker Bexelius, Pirita Näkkäljärvi ja Rune Fjellheim prošektajodiheddjiin Åsa Larsson-Blind ja EU-ossodaga jodiheddjiin Elle Merete Omma.

Oahpahalliprográmma doaimmat

Golgotmánus besse maid oahpahallit deaivvadit vuosttaš geardde dan rájes go álggahedje oahpahalliprográmmas ođđajagimánus. EU-ossodat ja oahpahallit ovttaš váldočálliin Áile Javoin čoahkkanedje moadde beaivái Roavenjárgii háleštit ja plánet prográmma doaimmaid nugomat čállinbarggu, gurssaid ja eará boahttevaš bargguid.




Ida-Maria Helander lea bargan Árktalaš ráđi PP nuoraid fierpádaga podcast prošeavttain mii galgá almmustahttojuvvot dán jagi loahpas. Ida-Maria lea dál báhcán eadnivuodalupmui ja mii sávvat sutnje buot buori!

Mannan áigodagas oahpahallit leat bargan mánggabealát bargguiguin Sámiráđi ossodagain.

Ovdamearkka dihtii lea Susanna Israelsson oassálastan COP26 čoahkkáneapmái Glasgovas ovttaš eará árktalaš- ja birasossodaga bargiiguin.



Anja Márjá Nystø Keskitalo lea searvan Eurohpá nuoraid dáhpáhusii (European Youth Event EYE21) Strasbourgas. Dáhpáhus lea Eurohppá Parlameantta ordnen jahkásaš doaibma nuoraide. Anja Márjá máhcai dieva ođđa jurdagiid ja inspirašuvnna ja evttohiige ahte jagis 2023 Sámis galggašii stuorra delegašuvdna doppe.



EU-Sámi vahku (ESW)

Prošeaktabargit leat bargame EU-Sámi vahku prográmmain mii lágiduvo geassemánus 2022 vahkus 23 Brysselis. EU-Sámi vahkus lea sihke politihkalaš ja kultuvralaš prográmma ja bistá guokte-golbma beaivi. Dárkkilut beaivemearit almmuhuvvojit maŋjeleabbos.

Nuorra sámi dáiddár Káren-Ann Hurri lea hábmen dáhpáhusii dáiddágova.

Sámi váikkuheapmi ja diplomatiija gursa

Fáddá boahhte gurssas maid prošekta lágida lea sámi váikkuheapmi ja diplomatiija ja dat sisttisdoallá logaldallamiid, ságastallamiid, hárbhusaid ja eahketmállásiid gos oassálastit besset oahppat eanet sámiid riikkaidgaskasaš barggus ja mo ovddastit Sámi riikkaidgaskasaččat. Gursa lea čujuhuvvon sámenuoraide ja studeanttaide.



FILLING THE EU-SÁPMI KNOWLEDGE GAPS
AND SÁMI ÁLLASKUVLA INVITES:

SÁMI ADVOCACY AND DIPLOMACY COURSE

DIEHTOSIIDA, GUOVDAGEAIDNU
2022



Álgoplána lei lágidit gurssa dál skábmamánuš, muhto dála COVID-19 dili dihtii mii mearrideimmet maŋidit gurssa jagi 2022 álgogeahčái. Čuovo lassedieđuid várás min sosiála mediain.

Njealljåt ja maŋimuš gursa lágiduwo miessemánuš 22. Sámiid konferánsa oktavuodas.

REGIOSTARS Awards finalist

REGIOSTARS Awards-gilvu finálisttat

Mii leat rámis das ahte min prošekta lea beassan Regiostars Awards-gilvu finálíi.

Regiostars lea EU komišuvnna jahkásaš gilvu EU ruhtaduvvon proševttaide. Min prošekta gilvala Vuoiggalaš Eurohpá kategoriija vuolde. Proševttat dán fáttá vuolde oassálaste webinárii European Region vahku áigge gos Åsa Larsson Blind ovdanbuktii proševtta. Ieš dat bálkkašumiid juohkin lágiduwo gáiddus hámis juovlamánu 2. beaivi.

Prošekta lea buvttadan promo video gilvu oktavuodas.

ČUOVO PROŠEAVTTA OVDANEAMI MIN SOSIÁLA MEDIAIN, FÁDDÁGILKORIIN #EUSÁPMI JA RUOVTTUSIIDDUIN
ČUJUHUŠ: [HTTPS://WWW.SAAMICOUNCIL.NET/SA/EU-CAPACITY](https://www.saamicouncil.net/sa/eu-capacity)
JUOS HÁLIDAT EANET DIEĐUID VÁLDDE OKTAVUOĐA PROŠEAKTAJODIHEDDJIIN ÅSA LARSSON BLIND
EPOASTTA BOKTE ASA@SAAMICOUNCIL.NET .

